



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ignis Holocausti Sev Affectus Ex Divinis literis, & Sanctis
Patribus collecti, Quibus animus Sacerdotis ad piè,
feruenterq. celebrandum disponatur**

Poiré, François

Romæ, 1639

Directio Intentionis vberior facienda pro commodo Sacerdotis.

[urn:nbn:de:hbz:466:1-53152](https://nbn-resolving.org/urn:nbn:de:hbz:466:1-53152)

DIRECTIO
INTENTIONIS
vberior facienda
pro commodo
Sacerdotis.

DEus cœli, & ter-
ræ, Rex Regum,
& Domine Dominan-
tium, ego N. indignus
tuus, & Ecclesiæ tuæ
sãctæ minister in vniõ-
nem illius infinitæ ca-
ritatis, qua vnigenitum
Filium tuum nobis de-
didisti; in vniõnem Sacri-
ficij

fac. pro com. sacer. 61
ficij admirabilis, quod
idem vnigenitus tuus
in cœna, & in cruce
consummauit; in obe-
dientiam illius manda-
ti, quo vt idem in eius
commemorationē fa-
ceremus admonuit, in
cultum supremæ ado-
rationis, quam tibi
Creatori nostro, & re-
rum omnium autori
debemus, in honorem,
ac reuerētiam sacratis-
simæ Humanitatis Do-
mini nostri Iesu Chri-
sti; in memoriam In-
carnationis, Natiuita-
tis, omniumque myste-
rio

rio

62 *Direct. Inten.*

riorum vitæ, Passionis,
Resurrectionis, & Af-
censionis ipsius; in glo-
riam, & venerationem
Sanctissimæ Dei Geni-
tricis Mariæ, omnium-
que Sãctorum, ac San-
ctarum curiæ cœlestis;
in vnionem intentionis
sãctæ Matris Ecclesię,
& omnium ipsius filio-
rum, qui tibi Sacrificiũ
hoc, aut alia quæcun-
que grata opera obtu-
lerũt, oblaturive sunt,
offero tuæ diuinæ Ma-
iestati hoc Sacrificiũ,
& quotquot à prima
eius institutione obla-

fac. pro eom. sacer. 63
ta sunt, & vsque ad mū
di finem offeruntur, si-
mūlque pretium San-
guinis Christi Domini
Redēptoris nostri, cū-
ctōsque labores, & cru-
ciatus ipsius, omnia
merita Sanctissimæ, &
immaculatæ Genitri-
cis eius, omnem fidem
iustorum, spem, carita-
tem, & deuotionem;
pœnitentiam, & mor-
tificationem: labores,
& patientiam: omnes
gratiarum actiones, &
laudes, quæ tibi siue à
curia tua cœlesti, siue
ab Ecclesia militan-
te

64 *Direct. Intem.*
te decantantur.

Deinde in virtute,
atque efficacia infinita
huius Sacrosancti My-
sterij gratias ago im-
mensæ Maiestati tuæ
pro inexhaustis sapien-
tiæ, scientiæ, meritorū,
& gloriæ thesauris,
quos in Sanctissima fi-
lij tui Humanitate ab-
scondisti, proque pie-
tate illa singulari, qua
eum mihi in Patrem,
ac Doctorem: in Du-
cem, ac Redemptorem
concessisti.

Pro immensis gra-
tiarum opibus, quas in
Bea-

fac. pro com. sacer. 65
Beatissimam eius Matrem, quam item nobis parentem, & aduocatum largiri dignatus es, contulisti.

Pro maximis beneficijs, quibus Sanctos Angelos, omnēsque sanctæ Ierusalē ciues, ac præsertim Sanctum N. quem hodie solemni ritu veneramur, affecisti.

Pro singulari beneficiorum copia, qua eos reple, quos efficaci gratia per totam Ecclesiã ad perfectionem euehis: & ad tuam
dulcis-

66 *Direct. Inten.*

dulcissimam familiaritatem admittis.

Gratias item ago, clementissime Pater, toto conatu mētis meę pro hac eximia misericordia, qua me è miserijs sæculi erutum ad hunc perfectionis statum, in quo tibi seruiō, adeōque ad hunc altissimum Sacerdotij gradum euexisti: pro talentis, ac donis omnibus tum naturalibus, mihi seruorum tuorum indignissimo collatis; pro hac vicissitudine consolationum, & desola-

fac. pro com. sacer. 67

solationum, quibus vitam admirabili providentia texis; pro omnibus bonis, quæ à te ijs collata sunt, quibus ego vel ex vinculo carnis, vel ex societate spiritus aliquid debeo.

Ac quoniam me indignum famulum tuum legatione fungi apud te voluisti, præceptis salutaribus monitus, & diuina institutione formatus audeo coram infinita Maiestate tua cor meum effundere, tibi que pro omnibus, pro quibus me orare iussi.

68 *Direct. Inter.*

iussisti, Unigeniti tui
merita repræsentare.

Respice igitur, beni-
gnissime miserationum
Pater, Ecclesiam tuã,
sponsam tuam; auge in
ea puritatem fidei, &
munditiem sanctitatis,
eamque labore viro-
rum Apostolicorũ per
totum terrarum orbẽ
diffunde; hostium eius
elide superbiam, & po-
pulos à fide alienos ve-
ritatis tuæ splendore
collustra, ne pereãt tot
imagines tuæ, tot ani-
mæ, pro quibus pre-
tiosus Filij tui sanguis
effu-

fac. pro com. sacer. 69

effusus est; neue insultet inimicus nomini tuo magno, & dicat, Præualui aduersus eas. *Psal. 12*

Da summo Pontifici nostro N. cor docile, da Sancti Spiritus abundantiam, vt possit verbo, & exemplo regere populum tuum magnum. *3. Reg. 3.*

Intende oculos misericordiæ tuæ in vniuersos Ecclesiæ Præsules, ac Pastores; fac eos super gregem sibi commissum fideliter excubare.

Da vniuersis quos

iii

70 *Direct. Inten.*

in Clerum, & partem
tuam cooptare digna-
tus es, morum integri-
tatem, & vitæ sancti-
moniam ad gloriam
nominis tui, & hono-
rem ministerij sui. Ac
præsertim super electâ
sortem tuam, ac Reli-
giosos Ordines omnes
largû tuæ benedictio-
nis rorem effunde; au-
ge in eis cultum nomi-
nis tui, spiritum exci-
ta, feruorem accende.

Suscita in Ecclesia
tua operarios incõfu-
sibiles, qui eam & ver-
bo fideliter pascant, &
exem:

fac. pro com. sacer. 71
exemplo confirment.
Fiat in eis Domine, spi-
ritus tuus duplex: da
eis rectam ad te men-
tis intentionem, zeli
sinceritatem, contem-
ptum sui, animi robur,
virtutis constantiam. *Pf. 67.*

Da verbum euange- *Pf. 85.*
lizantibus virtute mul-
ta, vt omnes gentes
quascunque fecisti ve-
niant, & adorent co-
ram te, Domine, & glo-
rificent nomen sanctū
tuum.

Supplico etiam ti-
bi, Domine, Princeps,
Regum terræ, procū-
tis

tis

72 *Disect. Inter.*

ctis Regibus, ac Principibus Christianis, ac potissimum pro N. N. nostro, vt eis tribuas perseuerantem in obedientia fidei, & Ecclesie tuæ sanctæ famulatum, in ea tuenda constantiam, consilij donum, iustitiæ zelū, subditorum curam, bonorum amorem, & perfectam cum tua voluntate concordiam. Da terrorem super impios, & super quietos amorem, atque obseruantiam.

Supplico tibi, Domine,

mine,

fac. pro com. sacer. 73
mine, pro omni Eccle-
siae statu, pro Magistra-
tibus, Iudicibus, con-
iugibus, viduis, virgi-
nibus; da eis abundan-
tiam gratiae tuae, vt tibi
in ea vocatione, in qua
vocati sunt, dignè &
laudabiliter famulen-
tur. Praesta virginibus
castitatē, Deo dicatis
continentiam, coniu-
gatis sanctimoniā, pœ-
nitentibus indulgētiā,
viduis, & orphanis su-
stentationem, paupe-
ribus protectionem,
peregrinantibus redi-
tum, nauigantibus in

D por-

74 *Direct. Inten.*

portum redire salutis ;
optimis , vt in bonita-
te consistant, bonis, &
mediocribus vt melio-
res fiant, prauè agenti-
bus, ac delinquētibus
vt citò se corrigant .

Offero etiam diui-
næ pietati tuæ omnes
ægrotos, tentatos, tri-
bulatos, & in aliqua
necessitate, præsertim
extrema , aut graui
constitutos, vt eis pro
misericordia tua infi-
nita subuenias , prout
ad illorum salutem, ac
gloriam tuam expedit.

Heb. 5.

Ac quoniam Vnige-
nitus

fac. pro com. sacer. 75
nitus tuus in diebus
carnis sue pro inimicis
suis clamore valido
supplicans exauditus
est, nosque pro ijs pa-
ter orare præcepit, to-
to corde ante tribunal
tuum prostratus iaceo
vt inimicis meis siue
cōmunibus, siue priua-
tis dimittas quicquid
in me admiserint, &
eorum pectora vero il-
lo, quem Dominus Ie- *Mat. 12*
sus venit mittere in
terram, caritatis tuæ
igne incendas.

Recordare, beni-
gnissime Domine, eorū

D 2 om-

76 *Direct. Insten.*

omnium, qui in peccato mortali versantur, quia non vis mortem peccatoris, sed magis ut conuertatur, & uiuat. Scis, Domine, eos sine gratia tua cōuerti non posse. Supplico proinde infinitæ pietati tuæ, ut eis concedas auxilium efficax, quo ad veram pœnitentiã trahantur, atque iterum uiuis mystici tui corporis membris uniantur.

Respice ad animas tuo sanguine redēptas, quæ purgatorijs flammis

fac. pro com. sacer. 77
mis expiantur, & earū
pœnas optato miseri-
cordiæ tuæ imbre re-
stingue.

Da eis Angelorum
consolationem, dolo-
rum refrigerium, &
citò purgatas in con-
spectum tuum, & in
sinum beatæ æternita-
tis admitte.

Denique quoniã in
hoc admirabili myste-
rio opes omnes meas
conclusisti, accedo ad
te, clemētissime Deus,
& Pater Domini no-
stri Iesu Christi, tanquã
ad vnicum refugium,
D 3 meum,

78 *Direct. Inten.*

meum, spem, & consolationem meam, & effundo cor meum in conspectu tuo, tibi que hoc sacrosanctum Sacrificiū offero in actionē gratiarum pro omnibus beneficijs à te mihi collatis ab instāti cōceptionis meæ, quorum numerus, mēsurā, & pondus apud te solum est; ac præsertim pro hac vocatione Religiosa, & Sacerdotali dignitate. Suppleat tenuitatem meam virtus infinita huius Sacrificij. Respice in faciem Christi

fac. pro com. sacer. 79
Christi tui, & quas pro
indignissimo seruo gra-
tias offert, benignus
admitte.

Audi etiam vocem
ipfius pro vniuerfis
peccatis vitæ meæ, &
ipfius meritis cōdona
quod indignitati satis-

factionum mearum nō
debetur. Verè enim,

Pater peccaui in cœ-

lum, & coram te, &

multiplicatæ sunt ini-

quitates meæ super nu-

merum arenæ maris;

sed copiosa est apud

ipsum redēptio, & mi-

serationes tuæ super

D 4 om-

Luc. 15.

Pfalms.

138.

Pfalms.

129.

Pfalms.

144.

hebr. 12

Pfal. 59

80 *Direct. Inter.*

omnia opera tua .

Audi sanguinem filij tui melius loquentem quam Abel, & in virtute oblationis huius miserere clienti ipsius secundum magnam misericordiam tuam. Da mihi, Domine, in proposito constātiā; auge in me fidem, spem, caritatem, paupertatē, castitatem, obedientiā, & reliquas virtutes statui meo necessarias .

3. Reg.
3.

Dirige me in via tua; ego enim sū puer parvulus ignorans introitum, & exitum meum.

Da

fac. pro com. sacer. 81
Da mihi de te sentire,
vt debeo, & pro amore
tuo terrena omnia fa-
stidire. Da mihi cor
pœnitentia compun-
ctum, fiducia latum,
caritate succensum; er-
ga te summissum, erga
parentes pium, erga
maiores deuotum, erga
Prælatos subiectum, erga
benefactores gratum,
erga amicos affabile,
erga egentes miseri-
cors; in prosperis hu-
mile, in aduersis forte,
in factis simplex, in di-
ctis verum, in cogita-
tionibus rectum. Au-

D 5 fer

82 *Direct. Inten.*

fer à me quicquid oculis tuæ Maieftatis displicet, & qualem me esse defideras, quia tu solus id potes, esse concede.

Eadem ratione, & forma offero, & rogo pro parentibus meis, fratribus, necessarijs, & ijs, quibus aliquid debeo, ac præfertim, pro N. N. pro quibus nominatim orare constitui; ac denique pro ijs omnibus, qui mei memoriam faciunt in suis orationibus, vel meis quamuis indignis
se

fac. pro com. sacer. 83
se cōmendauerunt. Da
quod ipsis maximè ex-
pedit iuxta eorum sta-
tum, & conditionem;
eorum preces, & vota
imple, necessitatibus
subueni; esto eorum
præmium, & merces,
vt simul omnes occur-
ramus vultui tuo, & *Sap. 10.*
victtricem manum tuā
laudemus pariter in
sæcula sæculorum.
Amen.

D 6 DI-